



## Lefapha la Thibelo le Taolo ea Likoluo

Lefapha la Thibelo le Taolo ea Likoluo (DMA) ke lefapha la 'muso le thehiloeng tlasa' molao oa paramente oa taolo ea likoluo (**Disaster Management Act 1997**) ka sepheo sa ho laola thibelo ea likoluo ka hare ho naha ea Lesotho.


Lefapha lena le sebetsa 'moho le Makala a 'Muso, mekhatlo e ikemetseng, mekhatlo ea machaba a kopaneng le sechaba ka kakaretso. (Early Warning/ Preparedness).

Ka thuso ea **European Union** le ts'ehetso ea **World Vision Lesotho** ; DMA e kene morerong oa ho thibela le ho laola likoluo hammoho le ho aha boits'ematlelo ba Sechaba ka hare ho naha ea Lesotho literekeng tse 'ne; Leribe, Thaba Tseka, Mokhotlong le Maseru.

## Mesebetsi ea Lefapha la Thibelo le taolo ea likoluo.

- 1 Ho bebofatsa lits'upa- kotsi (Hazards) tse ka behang sechaba, tikoloho, liphoofole le lintlafatso tlokoetsing.
- 2 Ho thibela lits'upa- kotsi; lefapha la DMA le fana ka lithupelo le koetliso ho latela lits'upa- kotsi tse tjamseng sechaba le ipapisitse le tikoloho eeo se phelang ho eona.
- 3 Ho hlaba patsana ka lintho tse ka behang bophelo ba sechaba, liphoofole, tikoloho le lintlafatso tlokoetsing ka thuso le ts'ebeliso 'moho le Makala a 'Muso, mekhatlo e ikemetseng, mekhatlo ea machaba le sechaba ka kakaretso.
- 4 Ho arabela likoluo ka thuso le ts'ebeliso 'moho le Makala a 'Muso, mekhatlo e ikemetseng, mekhatlo ea machaba a kopaneng le sechaba ka kakaretso ho netefatsa hore sechaba se amehileng se fumana thuso e potlakileng le ea nako e telele.

Mohlala; Lintlafatso (infrastructure) tse amehileng li khutlisetsoa setloaeling le ho ahoa bocha ka mekhoha e ntlafetseng ho feta pele ele ho aha boits'ematlelo.



Sechaba se khothaletsa ho hlabela- patsana DMA kapa mafapha a 'Muso a fapaneng ka maemo aka behang sechaba tsietseng ele ho thibela ho tsoa taolong hoo boemo bo ka ba teng ho latela mofuta oa ts'upa- kotsi ka nako eo.

**Basotho baka letsa phala limorong tse latelang;**

**+266 63792722 | +266 50404993**